

Broj: 01-04-13-07027/2023  
Datum: 15.12.2023.godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Primljeno: 20-12-2023			
Org. jed.	Broj	Priloga	Vrijednost
05/1	- 02 -	495	/23

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
ZASTUPNIČKI DOM  
Tajnik –Ivan Miličević  
Veza vaš akt br. 05/1-02-495/23 od 29.11.2023.godine

n/p – zastupnica Suada Halilović

BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJE BiH  
GENERALNI SEKRETARIJAT VLADE  
n/p- generalna sekretarka mr.sci. Edita Kalajdžić

PREDMET: Odgovor na zastupničko pitanje, *dostavlja se*

Federalna uprava za inspeksijske poslove zaprimila je dana 04.12.2023.godine akt gornji broj koji je zastupničko pitanje koje je postavila zastupnica Suada Halilović na 7.redovnoj sjednici Zastupničkog doma Parlamenta Federacije BiH, održanoj dana 28.11.2023.godine.

Uvažena zastupnica obratila se Federalnoj upravi za inspeksijske poslove, Federalnom vodnom inspektoratu sa pitanjem da li je vršen minitoring podzemnih voda za 2021.i 2022.godinu za Regionalnu deponiju Uborak-Đurđevci u Mostrau.

Za pripremu odgovora na ovo pitanje učešće je uzeo Federalni vodni inspektorat i federalni inspektor zaštite okoliša, iz Federalnog urbanističko-ekološkog inspektorata.

**a) FEDEALNI VODNI INSPEKTORAT**

Pravno lice „JP Deponija“ d.o.o Mostar je na osnovu Rješenja federalnog vodnog inspektora, broj UP1-14-25-2-07142/2019-028-3-P od 07.10.2019.godine izvršilo fizikalno – hemijska ispitivanja

voda iz piezometara. Ispitivanje je izvršeno od strane ovlaštene laboratorije, „Zagreblnspekt“ d.o.o Mostar, koja je ovlaštena Rješenjem FMPVŠ broj UP-I-07-25/1-929-2/17 od 06.07.2017.godine.

Pomenutim Rješenjem laboratorija „Zagreblnspekt“ d.o.o Mostar ovlaštena je da vrši ispitivanja sastava, kvaliteta tehnoloških voda i procjednih voda deponija.

Izveštajem o rezultatima fizičko-hemijskih ispitivanja piezometara, br. Izveštaja 01-2-24-XI/19 od 05.11.2019.godine, utvrđeno je da na temelju rezultata provedenih fizičko-hemijskih ispitivanja deponija krutog otpada „JP Deponija“ d.o.o Mostar nema uticaja na kvalitet vode rijeke Neretve tj. infiltracija iz deponija, ako i postoji, nema uticaj na rijeku Neretvu.

Granične vrijednosti emisija u vodu su propisane važećim Rješenjem o okolinskoj dozvoli, Federalnog ministarstva okoliša i turizma broj: UP I 05/2-23-11-201/19-1 SM od 16.01.2023 godine, u tački 7.3, dok je tačkom 8.1 iste Okolinske dozvole propisan plan monitoring fizičke i biološke okoline, koji sadrži tabelarni prikaz popisa potrebnih ispitivanja i aktivnostii predloženog monitoring plana, parametni, mjesto mjerenja i učestalost mjerenja.

Pomenutom tačkom odnosno planom monitoringa fizičke i biološke okoline između ostalog je i propisan monitoring rijeke Neretve i potoka Šušica

## **b) FEDERALNI INSPEKTOR ZAŠTITE OKOLIŠA-**

Vezano za predmetno zastupničko pitanje, postupajući federalni inspektor zaštite okoliša se izjašnjava kako slijedi:

### **a. Monitoring podzemnih voda za 2021. Godinu:**

U toku 2021. Godine pa sve do ponovnog pribavljanja okolišne dozvole dana 08.12.2021. godine, operater deponije – pravno lice „JP DEPONIJA“ d.o.o. Mostar je radio bez prethodno pribavljene okolišne dozvole. Nakon pribavljanja okolišne dozvole (Rješenje broj: UP I 05/2-23-11-201/19 SM od 08.12.2021. godine) za regionalnu deponiju krutog komunalnog otpada na lokaciji Uborak – Buđevci, operateru je propisan monitoring plan emisija u okoliš, te učestalost izvršavanja pojedinih ispitivanja emisija u okoliš.

### **2. Monitoring podzemnih voda za 2022. Godinu:**

Inspekcijskim nadzorom, obavljenim 27.10.2022.godine, postupajući federalni inspektor okoliša kontrolisao je, između ostalog i izvršavanje ispitivanja emisija u okoliš, te je tom prilikom konstatovano:

- a) Obavezni i specifični parametri Hg, PAH, Pb, Cd, Ni, Cr, Fe shodno Uredbi o uslovima ispuštanja otpadnih voda u okoliš i u javnu kanalizaciju (26/20), te ulja i masti i mineralna ulja iz lagune za procjedne vode – učestalošću minimalno tri puta mjesečno: Operater deponije je angažovanjem laboratorije TQM d.o.o. Lukavac izvršio mjerenja dana 14.01.2022. do 28.01.2022. godine, te 06.05. do 17.05.2022. godine, sljedećih parametara od prethodno zadatih: Hg, Pb, Cd, Ni, Cr, Fe i mineralna ulja. U ocjeni rezultata monitoringa stoji: „Prema rezutatima provedenih ispitivanja utvrđeni su sljedeći parametri koji ne

zadovoljavaju kriterij efluenta za površinska vodna tijela: HPK, BPK, amonijačni azot, ukupni azot, ukupni fosfor, test toksičnosti, fenoli, arsen, TOC, AOX i Hg. BPK, amonijačni azot, ukupni azot, test toksičnosti, arsen, TOC, AOX ne zadovoljavaju kriterij efluenta za sistem javne kanalizacije.

- b) Obavezni parametri shodno Uredbi o uslovima ispuštanja otpadnih voda u okoliš i u javnu kanalizaciju (26/20), te ulja i masti i mineralna ulja iz pijezometara, bušotine – učestalošću minimalno 12 puta godišnje. Operater deponije JP DEPONIJA je angažmanom laboratorije TQM izvršio ispitivanja iz pijezometara i to: dana 14.01. do 28.01.2022. godine za januar 2022., 10.02. do 28.02.2022. za februar, 08.03. do 18.03.2022. za mart, 06.04. do 14.04.2022. za april, 06.05. do 16.05.2022. za maj i 08.06. do 14.06.2022 za juni 2022. godine.

U ocjeni rezultata monitoringa: „Pijezometarske vode, odnosno njihov uticaj sa stanovišta ispitivanih parametara, ne može se dovesti u vezu sa rijekom Neretvom, s obzirom na udaljenost pijezometara i rijeke Neretve.“

### 3. Monitoring podzemnih voda za 2023. godinu:

Inspekcijskim nadzorom obavljenim dana 16.01.2023. godine u dijelu koji se odnosi na postavljeno pitanje oko izvršavanja monitoringa podzemnih voda, konstatovano je da operater nije izvršio monitringe emisija u okoliš koji su mu propisani okolišnom dozvolom. Ranijim obavljenim inspekcijskim nadzorom od 27.10.2022.godine kontrolisano je ispunjavanje obaveza iz (sad već) poništene okolišne dozvole. Operater deponije „JP DEPONIJA“ d.o.o Mostar je u fazi potpisivanja ugovora sa laboratorijom TQM d.o.o Lukavac kako bi se nastavio provoditi monitoring plan emisija u okoliš.

S poštovanjem,

Dostavljeno:

1 x Tajnik Ivan Miličević

1 x zastupnca Suada Halilović

1 x Generalna sekretarka Vlade FBiH- mr. sci. Edita Kalajdžić

1 x a/a

DIREKTOR



Mr. Anis Ajdinović